


# Die Wapad

## SAWA Oos-Kaap



Moet nooit hoop verloor nie, want ons weet nie wat mōre vir ons bring nie.

Johan Steynberg ontvang Oos-Kaap se toekenings tydens die Kongres 2013 te Buffelspoort



Oos-Kaap se Penningmeester trek die lootjie op die kongres

SAWA foto van die jaar geneem deur Dirk Moggee. seun van Gerhard en Leonora Moggee in die omgewing van Algoarax

uit die Kongresblad



## INHOUDSOPGawe



|  |    |
|--|----|
| UIT DIE WOORD .....  | 3  |
| VOORSITTERS VERSLAG.....   | 4  |
| REDAKTEURS BRIEF!.....   | 5  |
| LIEF EN LEED & SAWA EREKODE.....                                   | 6  |
| IETS VIR DIE LAGSPIERE & VIER GESLAGTE KAMP SAAM.....              | 7  |
| MOET NOOIT.....  | 8  |
| KONGRES 2013 TE BUFFELSPOORT.....                                  | 9  |
| SAWA OOS-KAAP SE KINDERS PRESTEER.& DANKIE .& BENNA EN MARTIN..... | 10 |
| BEKENDSTELLING VAN NUWE LEDE.....                                  | 11 |
| MINIGEBIEDS KAMPVERSLAG TE JEFFREYSBAAI.....                       | 12 |
| VANSTADENS RIVIER KERSKAMP.....                                    | 13 |
| VANSTADENS RIVIER SENIOR BURGER KAMP.....                          | 14 |
| ADVERTENSIEBLAD.....   | 15 |
| LEDE INDELING.....   | 16 |
| DIE RIET & DIE BEGINSELS 'VAN 'n GOEIE VERHOUDING.....             | 17 |
| VERJAARSDAE.....   | 18 |
| JAARROGRAM.....  | 19 |
| SAWA STREEF DAARNA.....  | 20 |

Tensy anders vermeld word daar ook van die Internet en Facebook gebruik gemaak vir inligting

## Uit die woord

### Gaan ons hierdie Kersfees vir Jesus onthou??

'n Briefie van Jesus

Soos julle weet, kom My verjaarsdag nader. Elke jaar is daar 'n viering in My eer, en hierdie jaar sal die viering herhaal word. Gedurende hierdie tyd soek mense na geskenke, daar is baie radio aankondigings, advertensies, en in elke deel van die land praat almal van My verjaarsdag wat al nader kom. Dit is baie lekker om te weet dat, ten minste een maal per jaar, party mense aan My dink.

Die viering van My verjaarsdag begin baie jare terug. In die begin was die mense dankbaar en het verstaan wat Ek alles vir hulle gedoen het, maar nou lyk dit of niemand verstaan wat gevier word nie. Familie en vriende kom bymekaar en geniet die tyd geweldig, maar niemand weet die rede vir die viering nie. Ek onthou laas jaar was daar 'n fees in My eer.

Die tafels was vol lekker eetgoed, vrugte en sjokolade. Die dekorasies was fantasties en daar was hope toegedraaide geskenke. Maar weet julle – Ek was nie genooi nie! Ek was die Eregas maar niemand het onthou om vir My 'n uitnodiging te stuur nie! Die viering was vir My, maar toe die wonderlike dag aanbreek, was Ek buite gelaat, die deur is toegemaak in My gesig ... Ek wou so graag saam met hulle wees en julle tafel deel.

Die waarheid is: die laaste aantal jare het almal die deur vir My toegemaak.

Omdat Ek nie genooi was nie, het Ek besluit om die viering te deel sonder om 'n geraas te maak. Ek het saggies ingegaan en in die hoek gestaan. Almal het gedrink, en party was dronk en het grappe vertel en gelag oor alles. Hulle het 'n goeie tyd gehad.

Om alles te kroon het 'n groot, vet man, aangetrek in rooi, met 'n lang wit baard, die kamer binne gekom en almal het ho-ho-ho geskreeu. Hy het dronk gelyk. Hy het op die bank gaan sit en al die kinders het na hom toe gehardloop en geskreeu "kersfees vader, kersfees vader" - asof die viering in sy eer was. Teen middernag het almal mekaar gedruk – Ek het ook My arms uitgehou en gewag vir iemand om My ook te druk – maar niemand het na My toe gekom nie. Almal het geskenkies begin uitruil. Hulle het dit oopgemaak met groot verwagting.

Toe alles oopgemaak is, het Ek gekyk of daar dalk net een vir My ook was. Maar hulle het My vergeet. Toe het Ek besef Ek is onwelkom en het saggies weggegaan. Almal onthou slegs die partytjie, die geskenkies, die eetgoed, maar niemand onthou My nie!

Ek wil graag hierdie Kersfees hê dat jy My sal toelaat om in jou lewe te wees. Ek sal daarvan hou as jy onthou dat Ek 2000 jaar gelede My lewe vir jou afgelê het aan die kruis om jou lewe te spaar! Vandag stuur ek die uitnodigings uit en daar is 'n uitnodiging vir jou! Ek wil weet of jy dit graag sal wil bywoon, want dan sal Ek vir jou plek bespreek en jou naam met goue letters in My gasteboek skryf. Slegs die persone wie se name in die gasteboek geskryf is, sal genooi wees. Die wat nie die uitnodiging antwoord nie – sal buite gelaat word.

Wees gereed, want sodra alles gereed is, sal jy deel wees van My partytjie.  
Sien jou gou.

Ontvang vanaf die Internet geskryf deur Poppie Oosthuizen

## DIE VOORSITTER Sê...

Hier volg 'n uittreksel uit een van die vorige voorsitter se verslae:

"Ons SAWA-jaar het begin en ons saamtrekke lê voor ons. Die oorde is bespreek en die kamp leiers is ingedeel. Alles is dus in plek vir nog 'n klomp wonderlike saamtrekke. Nou hang dit net van ons lede af of dit 'n sukses gaan wees. Dit help nie dat alles reg is, en daar daag nie lede op om dit te kom geniet nie. Dink maar net hoeveel moeite doen die kampleiers om die naweek lekker te maak en dan is daar niemand om dit te geniet nie. Ek nooi dus elke Sawanant uit om deel te kom neem aan die naweek se verrigtinge. Kom kuier gerus saam.



Gaan kyk gerus weer 'n slag na u Erekode. U het beloof om deel te neem aan verskeie goed. Een daarvan is om getrou die Here te loof tydens Boekevat en die Erediens. Asseblief ons maak staat op u samewerking."

Hierdie woorde word deur die huidige voorsitter beaam. Dankie, aan die lede wat gereeld Boekevat en die Eredienste bywoon, wat aan die aktiwiteitie deelneem en bereid is om te help wanneer daar gevra word om iets te doen. Dit steek my dwars in die krop om kamp na kamp dieselfde lede te sien skitter in hulle afwesigheid by die Boekevat en die Eredienste. Indien u gaste nooi, om saam te kamp of as dagbesoekers te kom kuier, kan hulle gerus die Boekevat saam met u bywoon of is u skaam vir u geloof.

Tydens die afgelope Kongres te Buffelspoort het dit my opgeval dat daar 'n algehele rustigheid was tydens die hele naweek. Nooit was daar harde musiek te enige tyd van die dag of nag nie. Die lede het kom kamp om te rus en die natuur te geniet en nie om partytjie te hou nie. Waarom moet die meerderheid deur die minderheid verontriew word. "Buurman" geniet jou kamp, maar ek stel nie belang in jou keuse van musiek of jou vuitaal nie. Uit ordentlikheid sê ons "Nee, dit hinder ons nie", maar eintlik hinder dit ons. Jy moes eintlik nooit gevra het nie. Hoe kry sommige groepe dit reg om heerlik rondom die vuur te kuier, musiek te luister en tog niemand te hinder nie. Ek is jammer maar musiek wat uit 'n motor gespeel word kan nooit net vir jou groep alleen gespeel word nie. Kom ons hou mekaar ingedagte en geniet die naweek se wegbrek saam met ons gesinne en vriende.

Die kalenderjaar is vinnig besig om uit te loop. Die matrieks en graad 11's is reeds besig met hul eksamens en die ander gaan binnekort begin. Ons wens almal sukses toe met hulle uitslae en voorspoed aan ons matriek met hulle toekomsplanne. Aan die ouers van die matrieks, hou goeie moed, "Hulle weet mos alles".

Aan die lede wat die jaar gereeld kampe bygewoon het, dankie dat jy nie jou ledegeld gemors het deur nie te kom kamp nie. Geniet dierustyd wat voorlê en laat ons die Nuwejaar aanpak met nuwe moed en uitgeruste liggame. Aan die lede wat gedurende die Desember vakansie gaan kamp, sleep veilig en kom veilig terug. Aan die lede wat tuisbly, omdat hulle te veel gaan kamp het deur die jaar en nou nie meer geld oor het nie, geniet die uitverf van vertrekke, die skoonmaak van geute, regpak van die motorhuis, die "spring clean" van die huis en enige werkies wat "ONS" uitdink om gou te doen. Dankie, aan al die bestuurslede wat so getrou op hul pos is. Julle moet ook goed uitrus, want die 100+ lê voor.

Van myself, Alida, Reinhardt en De Wet wens ons almal 'n geseënde Kersfees en Voorspoedige Nuwejaar toe. Mag ons Hemelse Vader almal bewaar en veilig hou. Laat ons nooit die belangrikheid van die geboorte van Christus vergeet nie.

*Johan Steynberg*

## Redakteursbrief

Wanneer julle hierdie laaste uitgawe van die jaar ontvang is die meeste van ons studente en skoliere reeds klaar met hul eksamens. Ons weet dat julle jul beste gelewer het en dat die uitslae sal wees soos julle dit wil hê. Die vakansie lê voor die deur en vir almal wat die ruskans gaan geniet, mag julle veilig reis en veilig en vars terugkom om 2014 weer met nuwe ywer te kan aandurf.



Die Kongres te Buffelspoort, daar het Oos-Kaap ook weer gewys dat hulle nie terugstaan vir ander streke nie. Ek wil dan ook net graag sê baie geluk aan almal wat pryse ontvang het, 'n spesiale geluk ook vir Johan en Sandra Fourie, wat die Nasionale ere hoër graad toekenning ontvang het, vir die klank wat hul tydens die kongres te Hartenbos gedoen het.

Terugvoering wat ek van die Jeffreysbaai naweek ontvang het, is dat die Oord Bestuur en Sekerheidsdienste daar hul uitstekend van hul taak gekwyt het en dat daar geen onaangename insidente plaasgevind het nie. Miskien moet ons oorweeg om die Oord nog "n kans te gee.

Ons Kerskamp het toe vinniger gekom as wat sekères van ons dit verwag het, ja die jaar is in die finale pylvak en van ons het dalk nog soveel om te doen by die werk of elders. Die Senior Burgers en sommige ander meer gelukkiges, nie so Senior burgers nie, was gelukkig om al van die Woensdag by van Stadens bymekaar te kom, en het dit vreeslik geniet as ek luister na die wat daar was.

Die res van ons het die Vrydag by hulle aangesluit vir 'n naweek vol pret en ook om Jesus se geboorte te vier. Die weer het ons nie teleurgestel nie, want soos ons almal die Baai sê weer ken het dit toe weer gereën maar steeds het ons dit geniet en die braaivleis vure het tog hoog gebrand die Vrydagaand en Saterdagaand.

Groete

*Jan Hugo*

Lief

- ♥ .Zelvone het baie goed presteer in die SA Skaak kampioenskappe.
- ♥ Pierre en Wilna Stander se dogter Mieke het haar SA klere in hamergooi verwerf en SA in Mauritius verteenwoordig.
- ♥ Zelvone, Lize en Marcel Botha tot die leerlingraad van hul onderskeie skole verkies. Zelvone is ook verkies tot Hoofdogter van haar skool.
- ♥ Armin Deysel het onder die top 10 geëindig tydens die "Solis vir Christus" sangkompetisie wat landswyd gehou was (SA & Namibië). Uit die 10 was daar net 1 wenner gekies.

Leed

- ▣ Frans Labuschagne se Ma is gediagnoseer met Kollonkanker.
- ▣ Dina se Pa was ook in die hospitaal.
- ▣ Tessa Bessinger se suster was ook in die hospitaal.
- ▣ Johana Gilson se Ma is oorlede.
- ▣ Tjaart en Nelia se dogter was in 'n motorongeluk.
- ▣ Lienke-Marie Strydom se mangels is uitgehaal.
- ▣ Arno Engelbrecht was ook in die hospitaal hoop dit gaan darem nou weer beter.
- ▣ Elsabe Pattinson was ook in die Hospitaal
- ▣ Dit gaan ook nie goed met Oom Gert Scheepers se gesondheid nie kom ons bid vir hulle.



## 'n Besondere Arabiese gedig:

تماعية و ديمقنس ؟ الدستور المعدل عام أص ؟ حت إس ؟ انيا دولة قانون إجتماعية وديمقراطية تحت ن ؟ ام ملكي ؟  
 رلماني. الملك منص ؟ ه فخري ورن و واحد ؟ بس الوزراء هالحاكم الفعلي لـ ؟ لاد. ال ؟ رلمان الإس ؟  
 اني مقسم الى مجلسين واحد للأعيا عدد أعضاء ؟ ل عين واحد للنوا ؟ و عدد نتا ؟ ج الانتخا ؟ ات نا ؟ . نتا ؟ ج الانتخا ؟  
 ات الأخير م ؟ ا ؟ رةمن أص ؟ حت ال ؟ ع ؟ سنوات، ؟ بينما كل سنوات، ؟ بينما يعين عنتخا ؟ اتصو من مجلس ا ال ؟ ع ؟ أيساً. ر ؟  
 بس الوزراء و الوزراء يتم ماعية و تعينهم للأعيان

Pragtig nê?

Ek het amper gehuil waar dit sê: على نتا؟ ج

**Ingestuur deur Wouter Steenkamp**

Uit Kammanus geleen

Dominee: "Gatief, hoeveel vroue dink jy moet 'n man he?"

Gatief: "Sestien, Dominee."

Dominee: "Hoekom sestien?"

Gatief: "4 richer, 4 poorer, 4 better, 4 worse!"

**Van Oom Alwyn se Facebook gesteel**

Koos gooi die gholfkarretjie om na 'n lang dag op die gholfbaan.

'n Vrou wat daar nabyste speel, sien dit en hardloop nader om te help.

'Het u seer gekry meneer?' vra sy.

'Nee, net groot geskrik,' sê Koos.

My huis is hier nabyste, kom saam met my dan gee ek jou 'n knertsie vir die skok,' se die vrou.

'Jong, ek weet nie so mooi nie, my vrou sal dit niks laaiak dat ek alleen na 'n ander vrou se huis gaan nie,' sê Koos .

Maar die vrou is mooi, en baie oortuigend, en hy besluit maar om saam met haar te gaan.

Na 'n heerlike ete, gesels en 'n paar drankies, se Koos dat hy nou rellig moet gaan, want sy vrou weet nie waar hy is nie en sy sal dit niks laaiak nie.

'Nou kom ek gaan saam met jou terug gholfbaan toe, dan help ek jou die karretjie optel,' sê sy. 'En moenie worry nie, jou vrou weet nie waar jy was en wat jy gedoen het nie. Waar is jou vrou anyway?' vra sy.

'Onder die gholfkarretjie,' sê Koos.

**Ingestuur deur Jacques Swanepoel.**

## Vier geslagte van die Serfontein familie

Tjaart en Nelia Snyman kamp al die afgelope 31 jaar saam met Sawa Oos-Kaap. Nelia se Ma Tannie Nellie tans 86 jaar oud kamp al die afgelope 10 jaar saam met hulle,

Met ons Kerskamp te Vanstadensrivier het Tjaart en Nelia se dogter, Anel en haar gesin saam met ons daar gekamp en was daar dus die vier geslagte wat heerlik saam kon kuier.

Ingestuur deur die Snyman familie.



**Tannie Nellie Anel Nelia  
en voor staan Jorja-Ann**

### Moet nooit

Opkrop as jy iets op die hart het nie

Stilbly as jy 'n opinie het nie

Moed opgee as jy sukkel nie

Kwaad word as jy teleurgestel word nie

Ophou wanneer jy verloor het nie

Ongeduldig raak as jy nie jou sin kry nie

Bly lê as jy geväl het nie

Persoonlik raak as jy in die rug gesteek word nie

Sinies raak as liefde nie uitwerk nie

Oordeel as jy iemand nie ken nie

Verwyt as iemand 'n fout begaan nie

Haat as iemand jou seermaak nie

Ophou glo as jou vertroue geskend word nie

Bang wees as jy alleen is nie

Twyfel in jouself nie

WANT..... jy is baie spesiaal en elke liewe ding wat met jou gebeur en elke liewe mens wat oor jou pad kom, is vooraf vir jou beplan om jou sterker, wyser en slimmer te maak en jou diepte en karakter te gee.

Geniet jou lewensreis.....

Onthou.....

Hoop maak die reis moontlik, Geloof maak dit makliker en liefde maak dit onvergeetlik mooi

Ingestuur deur Estelle Ferreira

## SAWA Kongres 2013 te Buffelspoort

Ons het Vrydagoggend vroeg vertrek na Buffelspoort. Heerlik koel weer met die wegtrek hier op Port Elizabeth se lughawe en droë warm weer in Johannesburg.



Die kampeer area

Ons is van OR Tambo Lughawe na die ATKV Buffelspoort in styl vervoer in Jurie se Mercedes.

Drie tolhekke verder en ons trek in by die oord, temperatuur rondom 35°C. Die ontvangs was uit die boonste rakk e en die koeldrank 'n heerlike lafenis.

Die oord is 'n absolute lushof, volop bome met skaduwees, kafee, 3 swembaddens, 6 borrel baddens, mini-golf, restaurant, wegneemetes, waterwurm, ens. Die mense is vriendelik en ons was baie bederf.



Een van die swembaddens

Vrydagaand het ons boekvat gehou en daarna die heerlikste "bunny chows" gehad vir aandete. Die mak was toe nie so mak nie, want iemand het deurmekaar geword met watter pot die kerrie en watter pot die nie-kerrie in het. Daar was lekker musiek gemaak, maar die mense het vroeg "gaan slaap" in voorbereiding vir die vergadering van die volgende oggend.

Saterdagoggend 8h00 is daar begin met die vergadering. Na velle besprekings en praatjies is daar oorgegaan na die stem vir die nuwe strukture, maar die uitkoms van die stemmery was toe bepaal deur een stem teen die verandering. Die nuwe bestuur is toe verkies en daarna het die vergadering verdaag (13h40).



Prys ontvang by die funksie

Die aand was daar aangesit by 'n heerlike ete en die toekennings is uitgedeel. Oos-Kaap het darem hier en daar vermeldings gekry. Geluk aan Johan en Sandra, Benji en Dirk Moggee met die toekennings wat hulle verwerf het.

Sondagoggend het iemand na te veel "pork crackling" en min rooiwyn gesukkel om badkamer toe te loop met 'n geswelde enkel. Gelukkig was oom Ben uitgerus met al die regte doepa en kon Johan van Vuuren darem na die diens normaal loop. Ons is terug lughawe toe en laatnag eers terug na Port Elizabeth nadat die vlug vertraag was as gevolg van kabeldiefstal by die lughawe.



Die omgewing

Weereens baie dankie aan almal wat dit so heerlik gemaak het.

Johan Steynberg

## SAWA Oos-Kaap se kinders presteer

Op 13 Augustus 2013 is ons as gesin in kennis gestel dat Mieke gekies is om vanaf 27 Augustus tot 3 September Suid-Afrika te verteenwoordig by die 2013 Afrika Junior Atletiekkampioenskappe te Mauritius in hamergooi. Dit was so aangename verrassing en 'n groot belewenis vir haar. Mieke het in 2012 die SA-Skole Rekord, asook die ASA Rekord vir hamergooi verbreek. Sy is steeds die 0/17 ASA Rekordhouer.



Dan het Mieke ook gevra om haar dank uit te spreek teenoor die bestuur van SAWA wat vir haar die beker en sjokolade gestuur het om vir haar sterkte toe te wens met die eindeksamen. Sy waardeer dit baie en ook die mooi gebaar.

Foto en berig ontvang van Pierre en Wilna Stander

## Benna en Martin sê dankie

Geagte Sawanante

Hiermee wil ons net dankie se aan die persoon/persone wat vir ons hierdie mooi geskenk gegee het by die Van Stadens Kerskamp

Dit word opreg waardeer.

Groete

Ben Weitz en Martin Botha





## Bekendstelling van nuwe lede **Kallie en Denise Kaltenbrünn**



Die Bessingers en Kaltenbrünn is reeds lank vriende en hulle is dan ook deur Ignus en Tessa van SAWA vertel en so is die belangstelling geprikkel.

Kallie is werkzaam by die SANW as n Stoorman, Denise is 'n Tuisteskepper en hou die dinge aan die gang by die huis. Hulle het dan ook twee dogters wat beide graag netbal speel en Inke wat in graad 10 is draf ook graag en Bianca hou dan ook van enigets uitdagend. Hulle woon ook dan al die afgelope 19 jaar op Despatch.

Toe hul jonger was, het hul gereeld gekamp maar na die kinders se geboortes het hulle dit vir eers gestop en wil graag nou weer in alle erns begin kamp.

As gesin geniet hulle die buitelewe en sien dit ook as 'n gulde geleentheid om maandeliks vinnige weg te breek van elke dag se gejaag.

Hulle beskou ook Sitrusoewer as die kampplek wat uitstaan as gevolg van sy rustigheid en lekker saamkuier al daar, maar by De Biki te Hartenbos het hulle nie lekker gekamp nie, daar was te veel muskiete en onversorgde ablusie geriewe. Hulle sal ook graag by Addo Olifant-park wil gaan kamp aangesien hulle mal is oor die natuur en diere. Sou graag na die diere geluide in die nag wou luister.

Kallie gaan ook graag skietbaan toe, duik graag en is n DIY persoon, terwyl Denise graag draf en haar lyf ook deesdae bakster hou.

*Jan Hugo*



## Bekendstelling van nuwe lede **Steve en Ischke Lambrechts**



Steve en Ischke is alreeds 3 jaar lid van SAWA en was eers betrokke by Sterlitzia maar het besluit om oor te kom na Oos-Kaap aangesien dit 'n groter groep is en daar meer kinders is om maatjies vir hul eie kinders te wees. Hulle het ook twee dogters Stefani 3 ½ jaar oud en Ilani wat maar 18 maande oud is ( ek sien Liana speel lekker Ouma - Ischke wat het die kind al vandag geëet!)

Hulle is woonagtig in Despatch in die Retief omgewing en Steve het sy eie Aircon besigheid (Advance cooling) terwyl Iscke 'n Apteker is by die Provinciale hospitaal op Uitenhage.

Hulle kamp graag vir die ontspanning daarvan en ook om net n naweek te wegbrek om weer petrol vir die week te kry. Los ook jou issues en probleme by die huis maar bring genoeg braaihout en dergelike verversings saam vir die naweek.

Forever Resort Plettenberg baai is hul gunsteling kampplek vir al die aktiwiteite daar, vir die kinders asook grootmense. Maar Winston Trekkers te Addo sal hul liewer vermy vir die krag wat gereeld afgaan en die diefsaal al daar. Nadat hulle Oos-Kaap se Baviaan kamp video gesien het, sal hulle dan ook graag soontoe wil gaan.

Stokperdjie is Ischke lees graag terwyl Steve dit geniet om met die Quad rond te rit.

*Jan Hugo*

## Mini-Gebied te Jefferysbaai Oktober 2013

Na vele vrae of die kamp gaan plaasvind of nie, het die kamp toe plaasgevind. Dankie, aan oom Daan wat nie gaan lê het toe daar maar traag terugvoering gegee is deur die owerhede of daar ekstra sekuriteit sou wees of nie. Daar was toe elke aand 4 wagte gewees om die veiligheid te verseker. Weereens was die weerburo heeltemal deurmekaar met wanneer dit sou begin reën. Sou blykbaar die hele naweek reën en toe reën dit eers Sondagmiddag laat. Die wind het so bietjie geroer Saterdag, maar ons is mos gewoond daaraan.

Saterdagoggend het Oos-Kaap 'n poeding verkoping gehou en darem so paar pennies gemaak om die geld koffertjie aan te vul. Met so min Oos-Kaap lede wat kom kamp het, moet ek dankie sê aan die lede wat wel daar was en ook nog poedings gemaak het. Dankie, ook aan die lede wat poedings gestuur het alhoewel hulle nie self kon kamp nie. Dit is lede soos julle wat 'n mens weer laat besef dat daar lede is waarop 'n mens altyd kan staatmaak.

Dankie, aan die manne en vroue wat gehelp het om Vrydagmiddag vinnig die tent op te slaan. Sondag na die diens was daar weer die ou staatmakers wat gehelp het met die afslaan van die tent. Jacques dankie vir die terug sleep van die waentjie.

Sondagmiddag se saameet by die Catch of the Day was 'n wenner en 'n goeie idee, Zeldri. Andre en Juliana van hoofkantoor het dit baie geniet en gevra dat ons weereens dankie moet sê aan almal wat dit die moeite werd gemaak het.

*Johan Steynberg*

Foto's geneem deur Johan van Vuuren



Al die poeding bakke leeg en al die magies vol.



Die lekker gesels



Almal luister aandagtig na die Dominee



Waarmee is Jacques al weer besig



Johan en Sandra Fourie wys trots hul Nasionale ere hoërgraad toekenning wat hul ontvang het tydens die kongres.

## AJV – Van Stadens Kerkskamp verslag 15—17 Oktober 2013

Vrydag kom die ouens wat moes werk stuk, stuk by die kamp aan. Die reën kry dit egter nie reg om enigiemand se geesdrif te demp om te kamp nie. Na inbetalings en boekvat, kuier almal rustig om die braai vure.

Saterdagoggend vroeg begin die kamp aan die gang kom, en almal is besig met ontbyte. Die reuke is so eie aan kamp, en maak 'n mens weereens besef hoe bevoorreg ons is om so te kamp. 11h00 Saterdagoggend, kom daar sowat 60 van die mense bymekaar in die saal om Mosaic te doen. Oud en jonk geniet dit baie! Gou is daar 'n atmosfeer van absolute te vredenheid, en almal se "kunstige" kant wys. Die oggend gaan heerlik verby en almal geniet hulle gate uit.

Saterdagmiddag 4uur kom almal weer bymekaar om Poppekas te kyk. Stoffel en Wysneus, leer die maatjies dat ons nie mag dink ons is belangriker as ander mense nie. Zelda bring vir ons 'n kersboodskap, en ons sing 'n kersliedjie of twee.

Tyd het nou aangebreek vir Kersvader om te kom kuier! Hy is laat, want sy "slee" het 'n pap wiel! Uiteindelik, na 'n vreeslike geroep, kom hy daaraan. Die kinders kry geskenke van Kersvader af. Daar is dan ook nog 'n geskenkie! 'n Bybel boekie vir elke kind. (Sjoe, dit is lekker om klein te wees) J. Die Snr burgers kry elkeen 'n lekker tuisgebakte bakkie koekies, en ons is reg om almal terug te keer na ons karavane toe, waar ons weereens lekker braai en saam met vriende kuier.

Sondagoggend is alles lekker nat en vars van die vorige aand se reën. Stadig maar seker begin almal oppak, aangesien die reën lekker val. Ons kom dan bymekaar vir 'n kort diens, met weereens die beklemtoning van die betekenis van Kersfees. Na die diens geniet ons 'n lekker koppie koffie en eetgoed.

Die kamp loop goed af, en almal begin stadig maar seker vertrek, terug na ons huise.

oOoOo

Baie dankie aan almal wat die naweek moontlik gemaak het. Daar is so baie!

Sawa Groete



Die Pikkewyne speel rummicup maar moes darem eers hul hare regmaak voordat ek n foto kon neem.



Groot en klein geniet die mosaik



Almal wag geduldig op Kerkvader



Benna ontvang ook sy geskenk

*Dina & Anton Claasen*

# Senior Burger Kerskamp 13de – 15de November

## Van Stadens



Geskenkpakkies vir die Seniorburgers

Ons dank ons Hemelse Vader vir 'n uitsonderlike naweek

Die Seniors begin die Woensdag arriveer as ook ander sawanante  
Ons is altesame twaalf woonwaens. Die aand het ek vir ons boekvat gehou. Daarna het die braais begin en ons kuier tot laat.

Donderdagoggend het ons almal n gesamentlike ontbyt geniet.

Later kom nog ses karavane wat ons dan agtien woonwaens maak.  
Die middag is die gebruiklike tee geniet saam met koek, terte en lekker soutigheidjies.

Wouter het die aand boekvat gehou, in die saal en daarna het almal aandete geniet.

Daar is te baie mense om dankie te se vir bydraes tot die sukses van die naweek. 'n groot dankie gaan aan Bettie Venter se dogter Wanda vir die skenking van die braai hoender en Tessa vir die poeding.

Ons as Seniors waardeer ons mede sawanante se teenwoordigheid en hoop hulle het dit ook geniet

Ek wil dan graag van hierdie geleentheid gebruik maak om een en almal 'n geestelike en Jesus gevulde Kersfees toe te wens.



Die Senior burgers ontvang hul geskenkies

*Andy Wait*

## Advertensieblad

Indien u belangstel om u besigheid of enige ander advertensie hier te wil plaas kontak my gerus.

Die koste vir die advertensie is R150 vir 'n halwe blad, en R300 vir 'n volblad wat dan ongeveer 6 uitgawes is. Daar sal geen groter advertensies aanvaar kan word nie, en slegs een advertensie per maatskappy.

Advertensie tydperk strek vanaf AJV tot AJV of 'n gedeelte daarvan.

Alle geldte moet asb. By die Penningmeester inbetaal word alvorens u advertensies geplaas kan word.

E-mail [Jan.hugo@transnet.net](mailto:Jan.hugo@transnet.net)  
of [janhugo55@gmail.com](mailto:janhugo55@gmail.com)  
Cell no 083 990 1106

## Lede Indeling

### JOHAN STEYNBERG

Stenie Grobler  
Flippie & Amanda Kapp  
Theo & Mariana Pozyn  
Stan & Marguerite Vermeulen

Willie & Martie Gummow  
Gerhard & Leonora Moggee  
Kobus en Lorenda v Eeden  
Anton & Rozelle van Mollendorff

Christo Jonker  
Gary & Juliana Oelofse  
Elria Stanford

### RICHARD HEYMAN

Werner & Charmaine Barnard  
Tertuis & Latella du Toit  
Reitz & Susie Kruger  
Paul & Juanita van Aardt

Johan & Jakkie Barnardo  
Casper & Philna Jerling  
Charl & Lynette Potgieter  
Johan & Petro Slabbert

Morne & Ruth Basson  
Anton & Karin Knoetze  
Jaco & Elsabe le Roux

### LIANA LABUSCHAGNE

Adrian & Brenda Beneke  
Kenneth & Lizelle Bothma  
Johan & Karen Rautenbach  
Theo & Susan v Brouwenshaven

Gerhard & Michelle Bosch  
Adriaan & Christa Viviers  
Naas & Corné Terblanche  
Johan & Sannie Williams

Eddie & Tania Deysel  
Dwayne & Anneke Lerm  
Gato & Estelle Ferreira

### JOHAN VAN VUUREN

Jacques & Salomie Botha  
Johan & Sandra Fourie  
Ettiene & Michelle Smit  
Jacques & Jacqueline Whittle

Freek & Audery Buchner  
Auret & Annelie Morton  
Pierre & Wilma Stander

Theo & Monique Buchner-  
Warren & Jannine Nance  
Werner & Lizelle Visser-

### ANDY WAIT

Willie & Jackie Conradie  
Aubrey & Etrica Oelofsen  
Wouter & Alna Steenkamp  
Leon & Liz von Waltzleben

Johan & Gessina Vermaak  
Gert & Luzie Scheepers  
Pieter & Bettie Venter  
Malcolm & Sandra Wait

Cecile Meyer  
Germano & Dina Small  
Piet Kapp

### JAN HUGO

Gerrie & Isabella Bezuidenhout  
Ruben & Johanna Gillson  
Eddie & Rentia Nance  
Mario & Michele vd Westhuizen

Cora Brophy  
Hansie & Elna Jonck  
Tjaardt & Nelia Snyman

Louis & Mandy Brophy  
Sakkie & Alida Kinghorn  
Elmar & Elsabe Steyn

### TESSA BESSINGER

Bossie & Ronnie Boshoff  
Gerrie & Venesa Rens  
Johan & Kobie Rossouw  
Ben & Marie Weitz

Barend & Lenie Swanepoel  
Leon & Marina Renierse  
Gerrie & Lorna van Rooyen  
Grant & Sonette Willett

Cynthia Didloff  
Tobie & Judie Botha  
Shaun & Madelyn Victor

### ZELDRI STRYDOM

Tinus & Eurika Claasen  
Pieter & Elize du Preez  
Rassie & Derineé Erasmus  
Susan Smith

Duppie & Emsé du Plessis  
Arno & Adele Engelbrecht  
Adri & Alta Geldenhuys  
Gerhard & Annemarie Momberg

Chris & Magda Coertze  
Ferdie & Betsie du Toit  
Markus & Riana Pottas  
Ferdi & Linda v Standen

### ZELDA SWANEPOEL

André & Jennifer Barnard  
Tommie & René Hall  
André & Rika Muller  
Mario & Vicky Weitz

Christo & Michele Blignaut  
Etteinne & Marohessa du Prees  
Sieg & Charlene Slabbert  
Eben Weitz

Ettienne & Zunel Fourie  
Steven & Sandra Meyer  
Anton & Theresa Willemse-

### DINA CLAASEN

Chris & Adele Bezuidenhout  
Goofey & Elmarie Fouche  
Erika & Loutjie Heunis  
Eric & Wilna Noack

George & Karin Brand  
Frank & Kirsty Fourie  
Maruis & Beat v Rensburg  
Elsabe Pattinson

Benji & Yvette Erasmus  
Pierre & Sannett Greyling  
Gustav & Janine Nel  
Roderick & Lora v Wyk

## Daar was eendag 'n Riet

Daar was eendag n Riet, Wat Bitterlik gekla het omdat sy  
Eienaar hom gedurig met n mes gesny het.  
Maar die Eienaar het aangehou om kepe in die riet te sny.  
Uiteindelik het die Eienaar ophou sny en het toe hy die Riet  
Voor sy mond gesit, het hy die mooiste klanke daaruit laat voorkom.

Die Riet het in n fluit verander, die Pyn was nodig vir verandering  
Soms laat die Here toe dat daar swaarkry of hartseer in jou lewe kom,  
Sodat jy leer om op Hom te vertrou, vir iets mooi wat Hy vir jou in plek het.

### Gebed:

Here wanneer ons verlang na n lewe sonder swaarkry en hartseer,  
Herinner ons asseblief daaraan dat Eikebome sterk word in Stormwind,  
En Diamante onder druk gevorm word.

Help ons om nie te vra vir minder Probleme nie,  
Maar vir meer Vaardigheid.  
Ook nie vir minder Vitudagings nie,  
Maar vir meer Wysheid..

God Sêen asseblief die Spesiale Persoon wat vandag die Boodskappie lees.

Amen

Ingestuur deur Anton Willemse

In Markus 9 lees ons van vier baie belangrike beginsels wat op verhoudinge betrekking het. Die beginsels word soos volg nader getrek:

- 'n SAWANANT moenie met mekaar kompeteer oor wie die belangrikste is nie, maar mekaar as gelykes respekteer.
- 'n SAWANANT moenie bedreigd voel deur jou mede SAWANANT nie.
- 'n SAWANANT moenie vir ander 'n struikelblok wees nie.
- 'n SAWANANT moet smaak gee aan verhoudinge met ander SAWANTE.

Ontvang by die Kongres 2013 en ingestuur deur Johan van Vuuren



# Verjaarsdae



## Desember

|    |                       |          |
|----|-----------------------|----------|
| 1  | â VAN EEDEN           | Melandri |
| 2  | DEYZEL                | Eddie    |
| 2  | NANCE                 | Warren   |
| 2  | â WHITTLE             | Juan     |
| 3  | WILLEMSE              | Theresa  |
| 4  | CLAASEN               | Anton    |
| 5  | VAN VUUREN            | Johan    |
| 18 | KNOETZE               | Karen    |
| 18 | â ROBERSON            | Shené    |
| 19 | â VIVIERS             | Amy-Lee  |
| 19 | STEYN                 | Elmar    |
| 21 | VISSER                | Werner   |
| 27 | HEYMAN                | Poppie   |
| 27 | KNOETZE               | Anton    |
| 27 | VAN DER<br>WESTHUIZEN | Mario    |
| 28 | â VAN DER WESTHUIZEN  | Ruan     |
| 28 | â WEITZ               | Doré     |
| 30 | FOURIE                | Ettienne |
| 30 | VAN WYK               | Roderick |
| 31 | POZYN                 | Mariana  |

## Januarie

|    |                  |         |
|----|------------------|---------|
| 2  | BÜCHNER          | Theo    |
| 2  | â SLABBERT       | Johann  |
| 3  | BARNARD          | André   |
| 3  | â DU TOIT        | Carlo   |
| 3  | STANDER          | Pierre  |
| 5  | STANDER          | Wilma   |
| 6  | â VAN VUUREN     | Anina   |
| 8  | VAN<br>JAARSVELD | Johan   |
| 12 | VAN ECK          | Danie   |
| 14 | GREYLING         | Pierre  |
| 15 | â STANDER        | Mieke   |
| 17 | Nance            | Eddie   |
| 18 | â LABUSCHAGNE    | Liesl   |
| 20 | DIDLOFF          | Cynthia |
| 20 | FOURIE           | Johan   |
| 20 | SWANEPOEL        | Zelda   |
| 22 | GUMMOW           | Willie  |
| 22 | WEITZ            | Marie   |
| 26 | OELOFSE          | Juliana |
| 27 | FOUCHÉ           | Elmarie |
| 29 | VAN AARDT        | Juanita |
| 29 | â STRYDOM        | Lize    |
| 30 | â JONKER         | Ilze    |



## JAARPROGRAM : 2013/2014

### SAWA Oos-Kaap

\*\*(7 VAN DIE 9 STREEK SAAMTREKKE TEL VIR 100% BYWONING)  
\*\*(SB— SENIOR BURG SAAMTREKKE)



| MAAND     | DATUM               | KAMP         | OORD               | 100 %    | KAMPL.                |
|-----------|---------------------|--------------|--------------------|----------|-----------------------|
| AUGUSTUS  | <b>8 – 11</b>       | AVJ          | VAN STADENS        | <b>1</b> | Bestuur               |
| AUG/SEPT  | <b>30/8 – 2/9</b>   | Streek       | BESTUURSKAMP       |          |                       |
| SEPTEMBER | <b>20 – 22</b>      | Streek SB    | WILLOWS            | <b>2</b> | Zeldri                |
| OKTOBER   | <b>18 – 20</b>      | Mini-Gebied  | JEFFREYSBAAI       | <b>3</b> | Bestuur               |
| NOVEMBER  | <b>15 – 17</b>      | Streek SB    | VAN STADENS        | <b>4</b> | Dina                  |
| NOV / DES | <b>29 - 01</b>      | Streek       | MANGOLDSPOOL       |          | Liana                 |
| JANUARIE  | <b>6 – 12</b>       | Streek       | SUMMERWOOD         | <b>5</b> | Zelda                 |
| FEBRUARIE | <b>7 – 9</b>        | NUB          |                    |          |                       |
| FEBRUARIE | <b>14 – 16</b>      | Streek SB    | WILLOWS            | <b>6</b> | Tessa                 |
| FEB/MAART | <b>28/2 – 2/3</b>   | 100+         | VAN STADENS        |          | Oos-Kaap              |
| MAART     | <b>20 – 23</b>      | Streek       | CANNON ROCKS       | <b>7</b> | Johan v V             |
| APRIL     | <b>18 – 21</b>      | Streek       | PAASNAWEEK         |          |                       |
| APRIL/MEI | <b>25/4 – 4/5</b>   | Gebied       | GEBIEDSAAMTREK     |          | Gebied                |
| MEI       | <b>16 – 18</b>      | NUB          |                    |          |                       |
| MEI       | <b>23 – 25</b>      | Streek       | PEARSONPARK        | <b>8</b> | Johan S               |
| JUNIE     | <b>13 – 16</b>      | Streek SB    | GAMTOOS            | <b>9</b> | Jan                   |
| JULIE     | <b>4 – 13</b>       | Streek       | WINTERTOER         |          | Tjaart                |
| JULIE     | <b>18 – 20</b>      | Streek       | SITRUSOEWER / ADDO |          | Johan v V/<br>Richard |
| AUGUSTUS  | <b>8 – 10</b>       | NUB          |                    |          |                       |
| AUGUSTUS  | <b>15 – 17</b>      | AVJ SB       | VAN STADENS        | <b>1</b> | Bestuur               |
| SEPTEMBER | <b>5 – 7</b>        | Bestuurskamp | PINE LODGE         |          |                       |
| SEPTEMBER | <b>19 – 21</b>      | Streek       | BOS / JEFFREYSBAAI | <b>2</b> | Jan                   |
| OKTOBER   | <b>17 – 19</b>      | KONGRES      |                    |          |                       |
| OKTOBER   | <b>24 – 26</b>      | Streek       | WILLOWS            | <b>3</b> |                       |
| OKT/NOV   | <b>31/10 – 2/11</b> | NUB          |                    |          |                       |
| NOVEMBER  | <b>14 – 16</b>      | Streek SB    | VAN STADENS        | <b>4</b> |                       |
| DESEMBER  | <b>5 – 7</b>        | Streek       | MANGOLDSPOOL       |          |                       |

SAWA streef daarna om



- vir Afrikaans-georiënteerde kampeerders die geleentheid te bied om binne 'n Christelike konteks, 'n tuiste te bied waar hulle hul beginsels en kultuur kan uitleef.
- vir kampeerders die geleentheid te bied om saam met geesge-note so bekostigbaar as moontlik te kampeer.
- die belang van SAWA-lede te bevorder deur onderhandeling en samewerking met ander instansies.
- die balans tussen die belang van die mens en die natuur te handhaaf.
- in alles die hand van die Skepper te sien en Hom daarvoor te huldig

SAWA onderskryf die volgende waardes:

Christenskap  
Lojaliteit  
Respek  
Integriteit  
Eerlikheid  
Diensbaarheid  
Verdraagsaamheid  
*Uit die SAWA Webblad*